

# AD LEO

nem Papam decimum Maximilian  
Caesaris Responſio.



(79) 1817.

M. N. MUSEUM

Responsio Diui Maximiliani Romanorū im-  
peratoris semper augusti facta Leoni .x.  
pontifici maximo ad exhortationē de  
Bello sumēdo contra Turcas, Rome  
in publica. xi. & vltima sessione in  
lateranē. Basilica sacrosancta  
synodo solenniter lecta  
& publicata.

Beatissimo ac Reuerēdissimo in Christo patri. dño. d. Le  
onī diuina prouidentia. P. X. uniuersalis ecclie epō.

**B**eatissime pater, domine Reuerēdissime. Nunti-  
us Beatitudinis uestre, reddidit nobis breue. S.  
uestre, in quo nobis significauit, illustrem victo-  
riam turcarum Tyranni, aduersus Sultanū Aes-  
gypti dominū, nosq; toto animo hortat, rogat & obtesta-  
tur, ut sanctam expeditionē, aduersus tam impium Chris-  
tiani nominis hostem sumere uelimus, & una cum Bea-  
titudine uestra, illius furorem comprimere, & Christiane  
reipū, pariter cōsulere. Idq; etiam ex relatione presentis  
nuntij. S. V. intelleximus, & qua fide, amore, qua pietate  
optet animā suam pro ouibus sibi cōmissis ponere. Que  
quidē res gratissima nobis, sed & molestissima fuit, quip-  
pe non potuimus non efflictim dolere christiano nomini  
imitissimi Tyranni tām & tam nobilem uictoriam, cui  
ubi ille quem optat finem imposuerit, ac suam sibi poten-  
tiam firmauerit. In quos potius aut libētius debacchabit,  
q̃ in miseros christianos: miseros eos appellamus, qui cū  
opib⁹ florentissimi sint, uiribus & animi magnitudine es-  
gregij, quorum uirtuti non astra solū cedunt, sed si etiam  
alter terrarum orbis inueniretur, quasi tamen nullibi lo-  
corū diuitie extent, nisi inter ipsos christianos, nullibi ciui-

rates sese inuicem absumunt, perfidos autē christi hostes  
hac & illac uictores, impune uagari permittunt, quin &  
(si deo placet) de semet triumphū referre sinunt. Caterū,  
cum animo nostro repetim⁹, q̃ nullus deus fortis est, nisi  
deus noster, nullus porro alius qui cōuincat gentes in for-  
titudine brachij sui. In eam sententiā deuenimus, ut pro  
certo habeamus, Turcarum uictoriā salutarē fore. Vo-  
luit enim diuina maiestas, per hanc cecas aliquorū men-  
tes illuminare, & dormientes excitare, ac ianuam pulsare  
tempus iam esse nos ex somno surgere, ac ianuam pulsare  
tantibus, omnis mœror a nobis excidit, in lætitiā potis-  
us uertitur. Speramus enim iam prope futurum extare, q̃  
& in fide gentes agnoscat Christum dominū deum suū,  
Neq; turcarum tanta uictoria nobis formidolosa esse de-  
bet. Scimus enim, quoties omnipotens deus hostibus su-  
is uictorias dederit, ut suorum peccata & scelera ulciscas-  
tur. Nouim⁹ etiam, quoties uoluerit fideles nominis sui  
cultores parua manu, ingentes hostium copias fundere.  
Sperauerunt in eo patres nostri, sperauerunt, & liberauit  
eos. Q̃ si aliquorum tam cæcæ mentes erunt, quæ tamen  
cum certis futuri exitij nuntijs nondum respiscant, non  
tamē nobis desperandū erit maxime tibi pontifici qualē  
multa secula non tulerunt. Scimus egregias uirtutes, in-  
clytas animi dotes Beatitudinis uestre, & nos cernimus,  
quo seruiore, qua pietate, pro commisso sibi grege isudet,  
quæ q̃uis nobis gratissima sint, unum tamen sūmē admi-  
rationi nobis fuit, admirationi ne an mœrori: quia sancti-  
tas V. optat, ut deus aures n̄as aperiat, ad audiendū ali-  
q̃ndo ueritatis uocem, q̃si ueritati aures hactenus occluse-  
rimus. Atqui ita de nobis respondemus. Nō nos tam p-  
fundo somno sopitos, in hanc usq; horam obdormisse, ut  
hec demum turcarum uictoria nos excitaret, sed diu an-



tea prouidemus, ea quę nunc ante oculos habemus Sanctissimę memorię p̄decessores. S. V. qui ætate nostra uixerunt monuimus, rogauimus, per uiscera misericordię dei obtestati sum⁹, ut christianę reipū, consulerēt, quorū aliqui nobiscū cōsenserunt, sed tamē reperti sūt, qui tam gloriose, tam acceptę expeditioni inuiderēt, & omni nīsu nobis aduersarent, qui si secum cogitassent, q̄ obrem sacratissimi p̄decessores nostri, tantis diuitijs ecclesiā dei ditarūt, fecissent p̄fecto, quod nūc, S. V. optat, omīssissentq; bella inter christianos, & nobiscū una in thurcarum exitum cōsensissent. In eos enim usus sancti illi uiri ecclesiā dei ditarūt, Et si fortuna utiq; cōtingeret q̄ christiani p̄cīpes suis rebus magis intenti uigerent, ad publicū uero reipū, christianę bonū nō cōuerterēt, haberet ecclesiā dei q̄bus remis nauiculā Petri inter uastas undarū procellas fluctuantē, in portū tutissimē duceret, haberet quo posset fractū malū restituere, & scissa ac lacerata uela refarcire haberetq; quo illam expeditionē aduersus perfidos christiani nominis hostes ipsa primo sumeret, Et alijs p̄cīpes si non metu perculsi, aut fidei pietate, pudore saltem perciti sequerent, q̄ si hīj idem, S. V. p̄decessores uiuerēt, qui ætate nostra fuere, redderēt ueritati testimoniū, & nobiscū una reipū, tam lugubrem hostium uictoriā ingemiscerent, & sponte sua faterent, expeditionē istam non hac tempestate magis q̄ semper necessariā fuisse. Verū deo optimo maximo gratias agimus, q̄ maiestas sua potissimū excitare uoluit. B. uestram eius uicem gerentem & gregem ouīū suarum egregie tutantē, quę si ceptum iter pergeret duce uirtute, nullum discrimē, nulla calamitas christianę reipū, subeūda aut pertimescēda est. Nosq; quoad uita supererit, nunq; deferemus tam gloriosā prouinciam, tam necessariā, tam ipsi deo acceptā, sed opes

uires, sanguinem nostrum, etiam ad certum exitum pro christi fide conferemus. Non laboret itaq; in nobis, S. V. qui a teneris annis, cum adhuc quid esset bella gerere per ætatem nesciremus, cum tamen audiremus, esse thurcas qui christianā religionem negligerent, odissent & persequerentur, eos potissimū cum primū licuisset radicitus euertere optarem⁹. Nō laboret in nobis q̄ ubi adoleuim⁹ & militare artem didicimus, iam eā scire uolumus nō ad ciuitates christianorū occupandas, sed poti⁹ ad eas eruentas manibus tyrannorū, non ad fines adimendas, sed tuendas, non ad eorū dedec⁹, sed ad laudem, nō perniciem deniq; sed ad custodiā, Huius rei testes erunt cūcta bella quę gessim⁹, semper inuiti, semp lacessiti, semp coacti, & nūc cū uideremus, S. V. tot persuasionibus, nos ad pacē & concordiam cohortari, & ita uelle pro bono christiani tatis flecti, nos permisimus, & conditiones quasq; suscepimus, ne mora ulla in nobis esset, ne p̄ nos defuisse uideret, qui labātī fidei christianę opitulareretur, ne ue unq; uox iusti coram deo super nos clamaret. Neq; uero nos cohortetur, S. V. qui postq̄ imperij sceptrum suscepim⁹ ipsi nunq; destitimus cum quocunq; pontifice agere, q̄ sanctam hanc expeditionē susciperet. Scimus eam enim & necessariā, & utilē & gloriosā fore. Excitet modo S. V. & christi uexillū erigat, & cum reuerendissimis illis patrib⁹ iter felicissimū aduers⁹ hostes arripiat, nos comitabimur eam, & opes & uires nostras omēs cōferemus, neq; ætas nostra quę iam celeri gradu ad senectutē festinat nos tantillum morabitur, quin si mors illa pro christi noīe optatissime obtingeret, reuiuiscere nos ad æternam gloriam speramus. Sed quid de nobis dicimus, nemo tā impudicus erit, aut tam christiano nomini inimic⁹, quin si uiderit deī uicarium, cum Reuerendissimis Cardinalibus



bellum in turcas mouentē, ac ipsum met in expeditionē  
euntē, non omni renūtiata mora, etiam ad certam mortē  
conuolet, imbellis nimirum sexus, ac infirma aetas San-  
ctitatem uestram sequet. Quare nos itidem rogamus, S.  
uestram imploramus, obtestamur, ut prouideat, ne quid  
detrimenti christiana respu. capiat, confirmet opinioem  
quam omnes de ea conceperūt, succurrat nutanti reipu.  
christianae, liberet e faucibus saeuissimorū oues sibi com-  
missas, neq; expectet q; christiani principes congregent,  
quippe longū illud esset, & fortasse periculosum, Sed san-  
ctitas. V. gladio domini super semur potentissime cincta  
iter auspiciatissimū ingrediat, quae quanto magis ab alijs  
principibus derelicta erit, tāto magis immensa christiano-  
rum multitudo confluet, deo uictimas gratas offerri op-  
tantium, Nos uero haud. S. V. deferemus, qui ultro cupi-  
mus hanc fragilem & corruptibilem coronā (quam geris-  
mus) cum illa pretiosissima & aeterna martyrij corona cō-  
mutare, neq; uero uereatur. S. V. turcarū potentiam, nō  
tot paratibus, nō tanta bellorū copia indigemus, Ipse nāq;  
q; deus est, pro quo certaturi sumus, ipse docebit manus  
nostras ad preliū, & ponet ut arcum areū brachia nostra  
Ipse dabit nobis protectionē salutis suae, & dextera eius  
suscipiet nos, q; si hac sancta deliberatio in auras euanes-  
cat, pro ut alij haecenus fecerunt, neq; aliqua expeditio  
fiet, quemadmodum sepius idem predecessores. S. V. fe-  
cerunt, qui sumpto huius sanctissimae expeditionis uela-  
mento ingentem uim auri coegerunt, quam non ad com-  
munē (ut decebat) omniū salutem, sed plurimorum per-  
niciem uerterunt, & in explendis uoluptatibus, celebra-  
dis suorū nepharijs nuptijs, & excitatis tyrannis occu-  
pati, sanctae dei ecclesiae patrimoniū non minus impie q;  
scelerate, hūc usq; in diem profuderunt, Nunc summum

illū rerū opificem obtestabimur, per nos nō defuisse, qui  
uita & sanguine nostro christianae reipu. consuleremus  
uidebūtq; gētes, & ipse (cui nihil ignotum est) deus, nos  
nulla alia pro re magis unq; elaborasse. Per quem uero  
deerit, is sciat se ratioem ante tribunal dei redditurū. Ce-  
tera intelliget, S. V. ab oratore nro, cui latius scribemus,  
Datū in oppido nostro Mechling. ultima die Februarij.

Anno, 1 5 1 7

Maximilianus diuina fauente clementia Roma-  
norum Imperator semper augustus, Germanie,  
Vngariae, Dalmatiae, Croatiae Rex, Archidux  
Austriae, dux Burgundiae, Comes Tyrolis  
Habsburg, Kyburg, Ciliciae, Boreciae, His-  
triae, Flandriae, Brabantiae, Hollandiae  
Celandiae, Lantgrauius Frisig, El-  
sacie dominus Artois &  
Picardie, &c.